

Pembantoe sareng agen: Priangan koelon Bestuur Pasoendan Bogor. di Tjandjoer Bestuur Pasoendan Tjandjoer. Priangan tengah H. B. Pasoendan Bandoeng

SIPATAHOENAN

Soerat Kabar Minggoean dikaloearkeun koe Tjabang Pasoendan Tasikmalaja.

Ditjiek di Drukkery Soekapoera Tasikmalaja.

Pembantoe sareng agen: Priangan wetan Bestuur Pasoendan Tjamis. Djawa wetan Bestuur Tjabang Pasoendan Soerabaya.

Redakteur: SOETISNA SENDJAJA ATMAWINATA Redakteur di Batawi SOERADIRADJA.

KARANGAN adreana ka REDACTIE Heerenstraat 31. POSTWISSEL sareng serat noe sanes deui ka ADMINISTRATIE Tjimoeloeweg No. 12 Tasikmalaja.

Pangas ADVERTENTIE: 1/16 katja f 2,50 } Sakali moeat 1/32 " f 1,50 } Dibajar ti pajoen Langganan langkoeng mirah.

LANGGANAN. 3 sasih f 1,50 Dibajar tipajoen. Salambar 15 sen.

Padjeg.

Dina katompernakeun taoen katendjona teh sok rea pisan noe meunang soerat pangelingan koedoe geuwat majer padjeg, padjeg pangasilan atawa padjeg harta benda.

Kadjabane noe meunang soerat elingnan rea oge noe meunang "dwang-schrift". Lah bati karoenja bae. Komo eta mah noe pangasilanana saeutik, katoeroeg-toeroeg anak reuaj. Ma na keur boedak tjeurik, mana keur njoemponan "dwang-schrift" ngan bingoesng noe aja.

Pagawe Goeperemen bangsa Priboemi latjan sabaraha lilana dikoneunan padjeg, kakara ti mimiti taoen 1920. Bahela mah pagawe Goeperemen Priboemi, koe lantaran gadijhna saeutik koe Pamarentah teh diperekeun, tina padjeg. Enja karereana gadijh rada ised ti bahela, tapi koeomaha da ngan ngaranna woengkoel, baheula saboealan f 15,— tjoekoep keur 3 datjineun beas, ari ajeuna span f 30 teh teu pisan tjoekoep keur 3 datjineun beas. Tah noe mantak kat eubeurana prijaji leutik teh beuki dieu beuki beurat. Ajeuna mah geus teu meunang henteu boga pangasilan dina saboealan f 10,— ka loehoer toeolej bae meunang padjeg f 1,90 atawa leuwih sataoen. Ari noe angger onuman mah pangasilanana beurat-beurat oge, nja dlah dikoemaha da geus koedoe kitoe noeroetkeun atqetan. Ngar eta npe pikaroenja mah noe pangasilanana teu angger, oepama koeli ari atawa noe biasa dagang djoekoel. Koe lantaran disangkana koe toekang narik padjeg boga pangasilan leuwih ti f 10,— dina saboealan, da boektina bisa hiroep, da noe hiroep teh kaperluanana leuwih ti f 10,— dina saboealan djoekoel bae noe kitoe dikoneunan padjeg f 1,20 Oepama loerah ngalaporkeun saeutik teuing di desana noe majar padjeg pangasilan djeung padjeg harta benda, eta teh disabab koe sawarah tjamat atawa wadana mah, diseboetkeun moestabil ti djelema sakitoe reana ngan sakitoe noe koeat majar padjeg pangasilan djeung padjeg harta benda. Ari tjeu pikiran djism koering mah pirakoe koe loerah aja noe koedoe majar padjeg teu dilaporkeun, span noe djadi loerah meunang peresen padjeg tina f 100. peresenna f 8, Ari eta lamoen boga sangkaan loerah menta padjeg, tapi dooitna henteu distorkeun ka Goepere-men, rada heese eta teh ajeuna mah da oerang desana geus rada bareunta.

Nja bisa djadi aja keneh kadjadian kitoe, tapi pohara langkana.

Tjeu djism koering di loehoer eta noe ripoeh teh noe teu angger pagas silanana, tjara noe dagang. Pooegeh oge oerang Priboemi mah ari dagang teh arang pisan noe make boekhouding enja-edia, da modalna leutik teu tjoekoep keur ngongkosaun boekhouding teh. Tapi sakapeung mah koe padamel padjeg teh disangkana teh seueur bae oentoengna noe dagang teh. Moal enja teu didjalankoeun oepama teu gede oentoengna mah tjeuuh.

Maugkaning noe dagang djaman ajeuna mah kabeh ngarasa koemaha kaboesanana dagang. Djelema rearena ngan rek ngandjoek bae, ari majarna mah sakitoe dioedag-oedag oge heese pisan. Tampilana ngalungit pindah atawa minggat. Atoeh noe dagang ngan oekoer nggel tjoeroek, njamos. Dioeroeskeun gede ongkosna, hasilna tatjan tangtoe.

Dina toetoep taoen pidagang priboemi leutik mah teu tjoetjong modalna oge sakapeung mah, geus oentoeng. Tapi ari diwinaan padjeg mah koe doe bae, da bongon boga dagangan. Ari hajang nembongkeun roegi, da

moal dipertjaja, da taja boektina. Tah noe mawi pauehoen teh ka noe netepkeun padjeg sing atos atos dina nganlag padjeg da ieu mah padjegna kira-kira woengkoel.

Genning ari noe modal reboean, malioenan mah, oepama moeka kon trakon dina ngamimitian mah da taja pangasilanana, nja dibebakeun teu koedoe majar padjeg. Toeolej ajeuna mah aja oetoesan tahoen ieu oentoeng taoen toekang roegi eta pangasilan noe koedoe dipadegan teh dikora-ngan heula koe roegi taoen toekang. Djadi ari di noe modalna gede mah aja meuseusan bae, oepama roegi teh henteu dikoerkeun koe padjeg.

Jakte ari sesahna mah netepkeun padjeg dipadegan noe teu ojekel boekoel teh. Nanging rja eta di dieu mah noe kedah diango teh ras-rasun sareng rasa kamanoesaan oelah noe roegi dihantam sina majar padjeg. Da Pamarentah oge adil sanes kitoe mak soedua.

Aja deui bangsa Priboemi noe rada beunta boga banda, ari pangasilanana tina tana da boga sawah. Padjeg sawah ditarik. njaeta landrante. Ieu mah te tep teu bisa disoempoekeun. Ari prak pedah rada tjoekoep, teu degang teu boga gadijh, hajoh koedoe majar padjeg pangasilan deui da koeat tjeu mah majar padjeg pangasilan. Tah di dieu sok seueur deui noe kalepatan sangka, noe mawi kahade sing atos atos dina nganlag padjeg.

Kapoeu koer oepami teu lepat Toean Meyer Ranneft noe babalagondjangan di Volksraad dina ngaberepang keun bal koeminie, moendoel oepados padjeg pangasilan sareng padjeg harta benda keur oerang Priboemi mah ditjaboet bae oelah diajakeun da beh beunanganana teu sabaraha tapi matak ngajakeun pitjereweun woengkoel.

Tah teu kapabang Toean Meyer Ranneft mah; koe lantaran noemoetkeun kajakinan andjeunna oerang Priboemi mah teu atjan asak (nog niet rijp) keur merdika atanapi marentah sorangan, djadi pikeun majar padjeg oge teu atjan asak.

Tah kahajang teh tjeu seueur di parte kaom sanah teh, noe kapoengangan pikiran tjara Toean Meyer Ranneft, oelah kapalang ari njeboet onrijp ka oerang Priboemi teh oelah belang betong, sagala rjepana onrijp, majar padjegna oge onrijp oerang Priboemi mah tatjan mangsana ajeuna koe loe gous majar padjeg saktien beuratna. Teu pamohalan pamooedotta Toean Meyer Ranneft koe Pamarentah digoegre soegan si leutik bisa njeunghap heula.

Socah.

Ki Napsan.

Da eta mah Ki Napsan (napsoe) moal aja bangor. Monjet anoe saktioe [masoerna dina kabengalanana, masih keneh beunang diwarah meueus meueus bae mah. Paingan tjeu kitoe SANADJAN, warisan Embah Ah, saha-saha noe geus bisa ngangon napsoe, mokaha moal pinanggih reudjeung kasoesahan lahir batin; sarta sagala kahajang djeung pamaksedana Inaja Allah tangtoe laksana. Hajang pinter tangtoe djadi pinter, hajang beunghar mo wande beunghar, hajang djadi oetama hano datangka teu kadjadian.

Ari bangorna eta ki Napsan teu koedoe didalangkoeun deui, da sarere oge tangtoe aroeninga, noe tjlaka kitoe djeung kieu teh teu aja lian kadjabane ti koe taladjakna napsoe.

Ari overtreding mah, bangsa

boeboek leutik, geus komo deui, geus teu aja bingbilanganana bawaning koe balatak.

Paingan soeagina djoeragan Aria Mangoeudja, geus ngadamel roepa roepa piwoelang koe digoerit, soepaja oelah sok ngombar teuing amarah dina keur hiroep. Tina sala sahidi pada, aja anoe koeringinget, saktiog bahela keur boedak sok dihantem dipiwarang diapalkeun koe akina si Nani, kieu asana:

Biing-eiing mangka eling, roemingkang di alam doenja, darma wawajangan bae, raga toena pangawasa, lamoenna kasasar lampah, napsos noe matak kadoehong, raga anoe katempoeahan.

Tjeuk koering mah, moal aja benor pok pokanana teh, aja enja kitoe, geus teu sjak deui.

Mana koering mah. lain djeteh atawa agoel, bogt saese - esena heg dipedar, ngan moega moega ka para doeloer sareng para djoeragan djoeragan diparaktekkeun, dilarapkeun geusan djampe hiroep malar hoerip.

Lamoen seug sakabeh oerang Soenda bae lanan, jasa netepan kana ieu, pisakoemahseun teuing rahardjana tanah oerang, meureun moal kieu kaajaanana.

Koemaha ieu mah geura, ti bareto koering sok mindeng ngomel oelah sok bampang leungeun ari kaneu aja di handap, tapi hibbb teu pisan aja euh-euihna. Kamari matja dina Sip. pertelaanana djrg. Pa Boerisat, madjah, aja djoeragan Mautri Koelisi geus mergahala pesakitan, ari ajeuna dina De Courant tanggal we-welasan Februari, geus bet deui bae. aja bejja model kitoe.

Dina eta kabar teh ditjatoerkeun jen djoeragan Wadana Tjitoeroeg geus ngabeladjar - kenalkeun Hadji Sidik djeung medja pasagi, nepikeun ka doeka koemaha, da teu diseboetkeun di dinja teh. Ari doena tjeu mah, sapedah dina waktoe eta (keur milih piloeaheun), djrg. Hadji Sidik koemawani ngadardoeun roepa-roepa kaberaan tina bab padjeg djeung panagihan padjeg, anoe geus djadi kabiasaan tjeu sok diaoendjoekkeun ka pangagoeng dina waktoe kitoe. Tatapi harita, kakara oge tjeulengong oendjoekan djrg. Hadji teh, djol djol djae oerang bae ko djrg. Wadana ka pajoen, sarta toeolej sina kenis mak en djeung medja tea.

Sabadana toeolej miwarangan oepas nganteurkeun djrg. Hadji, moelang ka boemins; sabab tjeu matak ngiroehan kana pasamoan. ngan di papantjanan koedoe ngadenheus ka kawadanan.

Isoekna eta djoerg Sial henteu nemonan, kalah ngaleos rek neangan noe ha'at mang menerkeun tina hal ieu.

Doeka, koemaha toengtoengna.

Kana ieu katar, sakoeringeun rada asa-asa rek mertjaja teh, lantaran asa pineoh noe pirakoe ari pantar noe saktioe agoengna mah, di lain-lain oge Wadana pamanggoel distrik, sagoej nepi ka teu oeninga kana sarsilahna oewet djeung kawadjan. Katoeroeg toeroeg mana geus djadi wadana oge, koe lantaran geus kapilih djeung loba loeang-daloengna. (Ari Ki Napsan? Corr.) Lamoen kitoe pengkat handap, koering loeang, handap pangadjarana nja (aboug deui babari kassar setan!) Ari ieu mah oelcehbhl Wadana, moen enja teh; asa kabina bina asbua.

Lain ngan koe sabab kitoe bae rada teu pati mertjajana teh, deui

moal enja hae henteu sileun meunang tjetjega dina kapangkatanana, da henteu aja wet noe ngameunangkoeun tjababok mergahala teh, sagoej teu oeningeun. Katoeroeg-toeroeg sakoemaha piwirangseunana lamoen seug naradjang djrg. Hadji Sidikna djelema gede wawanen (barangasan); hadena bae dina waktoe harita eta Ki Sial kapandjangan keu-jeup-ape, sabar. Komo lamoen seug djelema-djelema anoe araja di dinja, anoe dilolaan koe Hadji Sidik tea, aja oesikna meuseusan, tada teuing matak djadi oeroe araus ka nagara, Oentoeng bet eta wong rea teh sabar-sabar lain, baroga hebeneran bebeneran djiga henteu Da lamoen enja njaho di bener mah, meureun harita keneh neangan Ki Bener, boh ka nagara, boh ka Kdj. Dalem, boh ka Toean A. R. atawa beh ditoeana Kdj. Residen.

Nja kadjabane lamoen salah Toean Hadjina mah, moal njalahkeun ka marauehanana lamoen kitoe teh. Tapi ari ka djrg. Wadana mah, sanadjan Toean Hadji nintjak di salah oge, djiga koedoe bae njalahkeun teh, lamoen enja sabedja dina kabar tea.

Koe kahajang tjeu lamoen noe sok ngaraos Sip., anoe geus tangtoe tea oeninga di bener, ari marggih anoe baliloe tina perkara kieu teh, sing keresa ngabedjaan, malar kabahlarteun atoe - atoeranana. Kapau ajeuna mah keur oesoem ngobos kapertjajaan.

Memang koedoe, malah sabeh-ditoesun ti wadit, noeroet ka tangan tangan pamarentah teh, teu meunang bahela bedong teh, tapi lamoeu para Agen-agen lartjang hampang leungeun gojang soekoe, hamboer tjarek teu merenah mah, koedoe sing aroeninga bae ka Ki Bener.

Oe. N.

Koran.

Geus biasa pisan di oerang oepama aja kapapatenan ka sobat atawa ka baraja noe anggang tempatna teu ngabedjaan teh ana papanggih sok nauja: "Na nepi ka teu ngabedja-bedjan atan". Nja kitoe deui dina ngadjoeroe dina kawin djeung rea rea deui sok pada ngalengeng ari teu ngabedjaan teh. Tah di disu adat banga oerang oge teu sabaraha bedana djeung bangsa Eropa.

Di bangsa Eropa mah kadjadian kadjadian kitoe teh bebedjana sok make soerat kabar, da karasana gampang, djeu ng teu pilih pilih djelema ka sakabeh bae. Enja koedoe majar, tapi mendang majar batan hee koedoe nginget nginget ka saha saha na djeung koedoe njeun adre deui sagalana.

Tjubi koemaha oepami oerang oge ajeuna dina kadjadian kitoe, bebe-djana teh nganggo serat kabar, asal majarna bae oelah ageung teuing, kedah narimbang sareng kaktiatanana oerang priboemi.

Tah sapersos ajeuna "Sipatahoenan" njajagikeun tempat koe f0,50 paran-toetjekap minangka ngintoet kartjis ka ihwan ihwan sareng ka sobat sobat.

Bahela mah dina dinten Lebaran teh soemping koe andjeun ka rama ka mertoea kadjeun teuing tebih oge. Ludjing djaman rada sesah digentos koe serat noe pandjang. Djaman mahal waktoe tjabampoeran sareng oerang Eropa, serat noe pandjang digentos koe kartjis. Ajeuna ngarah moerah ngarah gampang digentos koe soerat kabar, da ajeuna mah djaman koran.

Tah ajeuna mah oelah naroskeun na teu ngirim kartjis oepama papanggih, da geus tjoekoep koe Sipatahoenan bae ngarah gampang da djaman koran.

L. p.

KAREP.

(Samboengan)

Djalma noe medit ana make osok boetin, da papakeun hade mah mahal bagana. Teu dieukeun meulikeun de eitna bawating koe njaah njaahna, ma ni siga seueueun rek ngarampa oge.

Eta sababna noe matak noe koret mah teu bogeun deoit, tapi deoit bogeun noe koret. Noe koret beuki kolot beuki tjedik.

Koret henteu saroea hartina djeung gema, da noe kieu mah tara-njang-sara maneh.

Toekang ibadah osok barahan, lain koe deoit bae tapi koe gawena deui: Saha-raha anoe daek tjitjing dina ka hadean, tangtoe bae lila lila gogoreng na leungit, tjara djalma anoe reseep mandi dina waloeangan anoe herang toer bersih tjaina, moal boe awakna lae-laen djadi heresih.

Noe ahli ibadah tara ngagokan, tara api-api, tara ngawiwirang, tara ni-poe, tara njalahkeun, tara teuteung-gaul, atawa kakadek. tara maehon kadjabane anoe kapaksa, tara iinjok, tara ngadon barang pentu, tara poepedjeun, tara timboeroean, tara pa-soe, tara reseep ngaherueujan, tara be degong, tara ngandoeng hate.

Ari maksa mah ka andjeun, sangkan andjeun njah ka sagala djalma, henteu kadoega, tapi ari meredih sangkan andjeun hade budi hade basa ka sasama mahlok mah, nja mokaha bae. Ibadah teh moen dina makoea emas mah minangka itenna, anoe njengtjelak gede halgana.

2. Adab.

Babandinganana adab kana ibadah saroea djeung koelit kana siki. Sanadjan adab djeung handap asor oge, ari teu dibarengan koe ibadahnya mah, henteu sara pangadina.

Sahalikna moen ibadah henteu dibarengan koe adab-adabanana, hano ka tembong kabeh kaaloesanana. Kadaban tjangkang, ibadah usui. Karap kana kahadean moen dibarengan koe tati-titi sok gampang manggibna djalan.

Tindak tandoe anoe koong, henteu koedoe dilampahkeunna; tapi tindak tandoe anoe dieusian ibadah mah. perlo dilampahkeun.

Tindak tandoe goenaca pikeun ngadajaga, sangkan batoe oelah rakat teuing ka oerang, ari adab-adabar mah pikeun nganggahkeun batoe Noe diseboet adab njaeta koedoe kade nge ana njarita, koedoe terang ana noelis. Sosobatan teu matak ngaleungitkeun adab-adaban.

Sagala djalma koedoe daek sili adaban. Pikeun ngalampahkeun adab-adaban taja djalma noe loehoer teuing. Djalma koedoe ngadaban sasama manoesa.

Euweuh hijana ngangeunahkeun sa sama mahlok. Anoe ngora wadit ngadaban ti heula ka kolot, kadjabane lamoen abdina.

Sanadjan teu diadaban, oelah mitjeun adab-adaban

3. Tata-karama hade

Ari tata karama hade teu nja-eta pamake anoe ngalemesan diri, saenggeusan pineoh boe pangarti. Tjeuk Walanda mah v r o u w djadi da me ma n djadi heer, ari tjeuk oerang meureun kieu a w e w e djadi i s t r i, l a l a k i djadi pa meget.

Djalma noe boga tata-karama hade

MULO PASOENDAN.

Sakoemaha noe parantos diwawarkeun, Pasoendan baris ngadegkeun Mulo di Tasik. Ajeuna poetoesanana ti Pamarentah parantos katampi, djadi dina ping 1 Juli 1928 teh Mulo Pasoendan ngawitan dibeuka.

Ngoengngeng wartos, madjar boream koe entree! Jaktos ari bade nganggo entree tea mah, namoeng ajeuna mah moal sapertos waktos ngadegkeun H. I. S. Pasoendan, nepi ka saratoes perak. Koe bestuur Pasoendan, kalawan piremagnana wakil-wakil ti oenggal golongan, entree keur Mulo ditetepkeun sakirang-kirangna sapoeleoh roepia. Oepami aja noe kersa maparin langkoeng ti saktioe, tangtos langkoeng sae, margi ari koe artos mah pagoejoeban teh teu weleh boetoe.

Satiassa-tiasa entree na kedah dibajar dimana moerdna ditampi lebet ka Mulo. Keur noe djadi sepoeh moerid stoeran ieu tangtos langkoeng sae, djalara dina waktos ngalabetkeun mah teu kedah majar bajaran sakola. Oepami diengke-enge matak oge djadi kaabotan, da nja kedah ngabantoen bajaran, nja kedah entree.

Oepami dibandingkeun sareng kedah nganteurkeun boedak ka noe tebih, oepa-

mina bae ongkos kareta apina kencing disebat entree sapoeleoh roepia teu seueur. Pertjanten pisan saktioe mah moal matak djadi kaabotan ka sepoeh-sepoe moerid.

Djaba ti eta dina Sipatahoenan parantos aja advertentie geusan ngawartosan; saha-saha noe hajang lebet ka Mulo Pasoendan kedah bebedja ka kapala H. I. S. Pasoendan. Maksudna ieu advertentie sanes keur noe nembu bade lebet, nanging keur noe ajeuna parantos aja di Mulo, oepamina bae ti Mulo Bandoeng bade pindah ka Tasik. Ari keur noe nembu mah poetoes koe njarios ka kapala sakola tempat boedak diadjar. Sapertos moerid ti H. I. S. Tjiamis, tjekep koe njarios ka kapala H. I. S. Tjiamis.

Noe bade pindah tea, kedah enggal-enggal ngawartosan, margi nampina noe moetkeun heula pandeurna. Noe heula datangna, tangtos diheulakeun.

Pitempatunana saheulanan di gedong noe ajeuna disewa koe Kapala H. I. S. Pasoendan di Kebon Tiwoe Tasikmalaja.

sok matak ugeunah bae, sanadjan teu sakoemaha adabna oge ana njarita. Demi noe boga tata-karama goreng mah sok matak teu ugeunah bae, sanadjan teu sakoemaha kasarna oge, ana njarita.

Tata-karama teh nja eta panteoep na pangadilan ka noe enggeus palin ter, ambih sampurna hatam kaaloesanana. Moen di papan tea mah panteoengtoengan dihampelas soepaja li-tjin beresih. Tata-karama anoe hade, roepa roepa, tapi ari maksoedna mah saroesa pisan.

Aja mangpoeleoh - poeoleoh roepa anoe kaasop kana tata karama hade nja kitoe deui mangratos - ratoes, anoe kaasop kana tata karama goreng. Tjontona tata karama hade, kieu: henteu waka prak dahar, moen batoer tatjan kabalajaran kabeh. Demi anoe gorengna kieu: ngomong tjatjalawakan, dahar tjoepliek-tjoepliek bari nanggou gado dj. s. t.

Dina rionoeng dahar oerang bisa malingakeun tata karama. Djalma noe boga tata karama, satintjak saparipalahna lain didjieunan, lain hajang niroe itoe nir. ieu, tapi geus kitoe bae kasjaan dirina. Eta sababna noe matak tata karama teh lain didjieunan. lain djigana, tapi saenjana. Tata karama, lain hidji bagian tina karep anoe pangpungting - pentinga, tapi hidji bagian anoe pangmindeng-mindengna kapakena.

4. Hideng

Ari anoe diseboet hideng teh nja eta djalma anoe noeroet kana parentahna diri sorangan atawa kana parentahna doenoenganana, lamoen manehna masih kabawah. Lamoen seug dipapandeuken kana bagian kubar, karep hade lir oepama gilindingna ari hideng minangka as-na. Moal pantjeng ngagorolongna eta kikipling kabah teh, lamoen taja as-na.

Nja kitoe deui sanadja oerang boga karep hade, hano katembong kabadeana, moen henteu aja kahidengna.

Noe diseboet hideng teh nja eta noeroet kana papagon kieu: „Lampahkeun naon noe koedoe dipiga we koe maneh, nadjan koemaha-koemaha oge.”

Ari hideng teh pangresap-resepeunana meh nang noeroet kana parentah dina pribadi bae, tapi sanadjan kitoe henteu baha kana parentah batoer oge, ari dina koedoea mah.

Malah sehoed pisan dina koedoea ngalampahkeun parentah doenoengan. Lamoen masih keneh kabawah, noe djadi kawadjiaban teh nja eta ngagoego kana paparentahan doenoengan.

Dimana geus ronges tina pagawean ieu katara ngalampahkeun ibadiah da ieu toenggal kawadjiaban keneh. Oepama digoleongkeun mah sarerea oge kabawah nja eta kabawah koe wet nagara. Lamoen oerang teu bisa ngalampahkeun kawadjiaban oerang, noeroetkeun pikiran oerang sorangan, toeroet bae atoeran anoe galib anoe dipake koe sarerea.

Ari bedana djalma anoe hideng djeung djalma anoe teu hideng, kieu: noe hideng noeroet kalawan iklasna kana wet atoeran nagara, demi anoe teu hideng mah noeroet si noeroet, tapi ngalampahkeun soteh, doemah sieu meunang hoekseman.

Loba pisan djalma anoe ngarasa nimat, ana ngareungeukeun noe keur paparentah, sabab koe lantaran daek ngabandoeagan noe paparentah tea, djadi manehna terengeun, koemaha koedoea ari marantah ka dirina pribadi teh. Djaba ti eta kahartieun deui, jen lain ngan hak hakna manoesa bae noe perloe dikanjahoekuun teh, tapi aja deui noe leuwih loehoer batan ti eta nja eta naon noe djadi kawadjiabanana.

Ka anak Intjoe, kana toeroenan oge nerang teh boga kawadjiaban. Koe sabab eta koedoe diingetkeun, jen sakeer djalma anoe sehat sarta aja saratna, perloe kawin. Moen teu tjageur, katambah-tambah taja pakeunna, oelah kawin. Dimana proek kawin oelah kolot teuing atawa ngura teuing sarta lalakina koedoe leuwih kolot batan awewena, ngan oelah katjida teuing bedana (Tjeuk tjariosan mah bedana teh koedoe ti antara lima dongkap ka toedjoeh taoen).

Oelah kawin, lamoen teu bogoh. Koedoe kawin ka koepoe djeung oelah deukeut teuing kabarahanana. Lamoen geus boga anak, oelah pipisahana, sabab anak teh ka doeanana oge saroesa bae perloena.

Ponjona ngalakonan hiroep teh, koe lantaran njah ka anak. Kawadjiaban koedoe diheulakeun.

5. Teu ieu aing

Taja deui anoe matak pikaseurieun ngan ieu aing. Lamoen djalma anoe kitoe disina ngamid, geus kitoe sorana, anoe diroel-rael tea, ditooeretan dina gramopon, seg sina didengekeun koe manehna, moal salah deui tangtos manehna ge seuseurian tjatjalakatan. Lamoen seug sagala djalma daek ngahormat teh ngan kana gawena bae, meureun asa-ieu-aing teh moal sabaraha lilana oge moesna.

Tata-titi kamanakan, gelaran anoe laloehoer, medali djeung bintang-bintang gede pisan pangadjakna kana ieu-aing. Remen pisan matak helok koe djalma noe asa pinter aing teu deungeun. Mangkaning di djalma noe hade mah tara gantjangan gantjangan katembong elmoena teh. Ari lolobana djalma teh katembongna sok leuwih pinter batan boektina.

Oelah pisan ngasrog-ngasrogkeun maneh hajang djadi pangharepna. Akalna pikeun ngaleungitkeun ieu-aing koe Joe daek tjatjampeuran. Djalma noe teu resep tjatjampeuran djeung batoer, oeloekoek sorangan sakapeung sok djadi toekang mikir, sakapeung deui sok djadi noe ieu aing tea.

Noe ieu aing sok ngalina ka sarerea, tara daek ngadaban ti heula, tara ngahelakeun batoer, sok tjatjempad bae, teu kaop disalahkeun. Salawasna hajang tjlok ti loehoer, sok ngabekeun kana tjartianu batoer. Djeung nangtoeng ana disawala (didebat), ieu aing wani tea. Tara daek badami, gawena ngan mapatahan. Rarasaanana leuwih njaho batan noe lina. Asa sing bener bae. Teu aja anoe dihideng Kolot diang-gap sasama, sasama dianggap sahan-dapeun. Ka saloehoerun ngamomorekeun. Badega dianggap saperti sato. Rarasaanana djadi bentangna di satoengkebing boemi alim.

Teu aja deui noe pantes dipake agrel, kadjaba ti karep hade. Tapi lamoen prak eta karep hade teh dipake kamegahan, maenatna osok leungit. Anoe ieu aing sok ngagoelkeun kolot-kolotna, ngagoelkeun toeroenana, kawawoebanana. Koe lantaran teu karasseun, jen sadjoembaluhna noe dipake agrel teh djasana batoer, lain djara manehna.

Lamoen seug njahoerun jen djalma noe kitoe teh koe noe lina oge kasoerti sarta disaleungseurikeun, meureun ana ieu aing teh moal aja.

Pangkat loehoer sok aja matakna kana karep hade, sabab remen pisan sok ngaleungitkeun karendahan.

Djalma anoe kamagoengan sok bo ga rasa beuki agoen, moen pangkat na beuki loehoer, padahal eta teh sa lah, da noe ngagedean tea mah ta pakna. Sanadjan pangkatna naek oge ari teu bisa njoemponan kana noe dja di kawadjiabanana mah, atoh lain beuki loehoer, anggoer mah beuki ka

hadap. Karendahan koedoe dibarengan koe ngadjenan diri pribadi. Sanadjan noe rendah pisan, henteu koedoe ngan tep ka noe ngahinakeun dirina. Poma oelah osok njokot adjen deungeun. Djalma teh koedoe ngadjenan diri so rangan, oelah mitjeun maneh.

Ari noe diseboet mitjeun maneh teh njaja djalma anoe teu daek ihti-ar sangkan aja pangadji, aja tendjo eunana, aja arabeunana.

Geuning barang oge djoetjoeng-djoetjoengna mah goelar-goelar dite ngah djalma, ari taja arabeunana. Pa liug moedjoer ditjokot koe noe ssa poe dibalangkkeun te seoseokan. Djal ma anoe kieu roekak alah batan ka hoeroesan, taja pangadji sadoeit.

Hiroep teh koedoe diatoer. soepaja boga adjen diri. Loeleotjon anoe tja wokah matak ngaleungitkeun adjen. Djalma teh oelah „weja kana pangadji diriua pribadi.”

6. Majes asih

Tabeat anoe kieu langka, tapi sa nadjan kitoe oge, djalma noe teu te ek males asih mah kaasop kana djal ma goreng. Loba pisan djalma anoe djangdjari arek kitoe arek kieu, lamoen manehna ditoeleangan. Sarta waktos menta toeloeng teh katjida adabna, ambih digoego tea. Koerna ha ari geus ditoeleangan, geus dilak snakeun sapanedjana, eh, sok soema wonna netapan tea kana perdjangdjianana, ngadaban oge geus emboeng, da tadi mah ngadaban soteh pedah eta bae aja kaboetoe.

Lamoen andjeun noeloengan hidji sobat, eta teh ngabaroeng djeung nga gelendeng hidji moesoe.

Djalma anoe boga karep hade teu pamrih dibales asih djeung teu leu tik hate, moen ningal djalma noe koe rang tarimana, tapi sanadjan kitoe oge, katjida gorengna moenggoeh di djalma anoe teu boga panarima. Djal ma anoe lakoe lampahna kieu saroesa bae djeung ngogar—ngogar maneh, jen manehna teh djalma noe hujung ngeu nah sorangan, anoe hawek.

Lamoen oerang dimistikeun ka djal ma noe taja panarimana oge koedoe daek noeloengan atoh ka noe aja panarimana mah geus teu koedoe di tjartikeun deui wadjibna teh.

Ngemple—ngemple ka anoe noeloengan oerang, oelah, tapi nembongkeun kanehoenan, lantaran andjeunna me mang enja geus ngadjait tina karoe wed diri, atoh poegoeh bae sloes mah, da kitoe mah lain ole ole. Kab hadean oelah pisan dipopohokeun.—

Samboengeun.

S. P

GRATIS.

Oepami nintoen ti ajeunna f 1,50 atanapi langkoeng anggoeun langganan Sip., di kintoen Sipatahoenan gratis ti ajeuna doegi ka ping 1 April '28.

Advertentie Boboran Siam.

Para Djoeragan noe ngintoen f 0 50 sareng kartjis, djeneanganana dilebet keun kana Sipatahoenan minangka batoer silatoerahmi ka sadaja. Modelna sapertos biasa teu kencing langkoeng ti 4 djarjar sakolom. Oepami palaj langkoeng ageung taripna benten.

Ieu atoeran katjida ngenteugkeunna ka para Djoeragan margi oepami ngalalah kartjis sareng parangko mah sabaraha sesahna sareng sabaraha ongkosna.

Katampina ieu tjonto advertentie kedah paling lat ping 25 Siam atanapi ping 17 Maart '28

Dalem Mester.

Dina kabar ajeuna-ajeuna geus di hewarakeun, jen noeroetkeun besluit Goepernemen, geus ditetepkeun jen Kdj. Dalem Mester dipaparin studieverlof sataoen lilana pikeun ka Eropa. Dina sagala roepna atoer-atoeran meureun nja tjara ka Kdj. Dalem Bandoeng bae, moal aja bedana, babakoena tina bab gadjih angger, moal tjara noe verlof biasa.

Saadjan koering teu ngalaman ka ieu Kdj. Dalem. Soemawonna ari wawoeh mah pimaneun . . . da ieu mah Dalem, tapi ti barang koering achir baleg (tjekep santri mah), estoe ngaregepkeun pisan kana beda-beda tina perkara sairaus teh.

Saadjan andjeunna lain satjekna toeroenan Dalem, lain seuweu poetoe Dalem tapi estoening verdiend djeung beloond tina djadi Dalemna uepi ka dipaparin verlofna teh, sarta moal aja noe njirik, sipat noe hatena reugeudjeug mah, da kitoe koedoea.

Saha-saha noe tjeper bener kana gawena satia ka doenoenganana, sarta ugoeroes kasalametan anoe djadi bawahanana, memang koedoe digandjar.

Ari ieu Kdj. Mester tea, teges ti barang sakolom, nepi kana prakna djalna damel, noeroetkeun beda mah estoe moeloes. Lain koe moeloesna bae, tapi madjoe geschikt deuilh lain loemajan.

Katoeroeg-toeroeg djaba ti kitoe teh, aja sipat noe hade pisan nja eta katjida hormat tilawetna ka noe djadi iboe rama. Ieu, tina perkara ieu, anoe wadjib ditooeretan koe sarerea.

Kabeh—dieuakeun dina oeroes oeroesan bervorming Regentschaps Raad, noeroetkeun veralg-verslag anoe aja dina soerat soerat kabar mah, estoe teu ngerakeun, henteu tinggalen teuing koe zusterna Gemeenteraad.

Dina djadina lid gemeente, teu woedoe tjelembeng, matak re ep ngabandoengan, enjan ngabelanana volk.

Koering mah noelis ieu di loehoer teh laiu karana olih, lah da moal ngahoetang, menta moal da sawaktos ajeuna mah teu soesah dahar make. Atoh djilat lain, da moal didjeun tjamat atawa wadana, soemawonna ari boentoeng-bintang mah baid pisan, karidoes ridoes. Moedji laiu . . . , da noe ditelies teh kabeh oge foiten, barang boekti.

Ari maksoed teh teu aja lina, soepaja djadi tjonto djeung toeladan ka sasamana djeung bawahanana; koedoe kitoe ari digawe teh, oelah nganomerhidjikeun pelesir, ari gawena didjieun sambian (soemat). Tjara, lamoen aja soteh kadjadiar, poegoeh poegoeh moro atawa marak, hajoh . . . ari dina dagboek mah rengkolna ngaronda. Atawa poegoeh djelema soesah, oepamina soesah teda soesah pake, ari dieondjoekkeun mah ka noe ti pajoen „selamet tida koerang soeatoe apa toekankoe”. Tah model kitoe, geus bae asa dina kamedii ietamboel.

Pek deui dina ngabanoem priedeun Raad Kaboepten, ngahadja milih anoe sakira kira beunang dikoesah kieu, oepamina anoe kieu kadjeun, kitoe, kadjeun, ngan oekoer daww . . . woeh naksennn . . . ni, ngiringgan, teu ngalangkongangan . . . sadaja-dajiji . . . ja. Atoh poegoeh bae, meureun pahadrengna oge, moeu aja tea mah anoe pangkat kitoe nistana, pahadreng ga a ng ka tin-

tjak. Atawa lamoen aja raad anoe kien deuilh. Anoe dibenoem teh atawa anoe diitjiek-itjiek sina kapliih oepamina, bangsa oelama, bangsa Kiai, bangsa pakaoeman, ngarah soepja aja dueana; ambih reph-rapih to, ngelap berkat deui. Tapi okaja koemaha lamoen aja noe njebet „raad adjeungau”; djiga moal salah-salah teuing.

Sampoeneeng lamoen aja mah Raad anoe belikan, teu panodjoean, teu pajaan, teu kuop aja noe tjelembeng-tjelembeng meuseusan, buhari bae pendeleng , ngek' teu nanjananjan atan oepamana, njoetjoed pisan. Hadena wae

Tah, bisi isoek diaganing pageto, aja noe kapandjangan siput pantar kieu, maksoed koering teh sina ngeunteung ka Dalem Mester, entong ari bisa noeroetan satjeplekna mah laman, pimanoeun, tjing atoh ari „siga” mah djeung boga karep koedoe.

Lain koering „bawel” soemawonna ari gindi pikir belang bajah mah, Masja Allah anging Maha Soetji noe oeninga. Sanes kitoe, saes, kpan oerang teh koedoe tjaringtjing memeh pek, bisi aja kadjadian sakoemaha noe djadi katjapanan „Sanaah”, pari basa geuning „mondig”. Tjing atoh sing malikir!!

Oenan.

Tiwoe.

Congres „Pasoendan” di Garoef nolak teu moepakat kebon tiwoe di Pasoendan (West Java alias Djawa Koelon) ditambahan, djebrod di Dernaer kebon tiwoe didinan dilagan. Lah aja koe palinter eta sawala angka, sawah tambah kaentoenganana disiwakeun kana tiwoe, djelema baroga pagawean.

Eleh oerang sigana oepama padoe ngadoe angka, ngadoe „argumenten” sabab sabab meureun soendana mah. Ngan oerang mah niktik boekti bae. Aki koering djenatna sok njarita ka koering boeboehan koering beunang: „Alah oedjang aki teh bahuha mah tjoekeop, kadjeun teuing henteu beunghar oge. Ari ajeuna ngarasa ripoeh pisan. Noe karasa koe aki noe mantak oerang dieu ajeuna beuki walarat bae koe lantaran ajana tiwoe. Sawah roekrik, noe tadiua leudo-ajeuna henteu.

Katoeroeg toeroeg da sawah di dieu mah sawah pagoeungan satochajina sawah teh sigana beak oepama dikebonan tiwoe kabawa palid, da kebon tiwoe mah eueuh galengunana.”

Tah aki koering geus ngarasa jenkoe ajana tiwoe teh lain nambah sarang ka oerang desa tapi nambahan soesah. Djadi ari angka mah enja ngarasan dina keretas saktioe-poeleoh, saktioe ratoes, ngan karabardjean, pangaboga ngoerangan.

Soegan oerang tumbledeukeun badeui kana „tatjan anak”, tatjan mangsana bangsa oerang mah keur kebor-tiwoe, keur pabrik goela. Da tjeke itoengan aloe, tjeke deungeun mah, tapi boektina noe meunang kangen-nahan ngan doeanan tiloelan.

Oerang Iriangan Wetan bedjana koedoe taki taki sabab tiwoe rek petjenghoel ti beulah wetan deukeut rawa Lakbok.

Malah mentana mah ka noe ti loehoer bedjana geus doa tiloe kali. Malah tanah Manondjaja oge baheula geus aja noe menta pikeun tiwoe, ngan sigana koe pangagoeng ditolak.

Lain djisim koering ngewa ka ti-

kalindih koe madjoena pergerakan para nonoman anoe madjoena bareug djeung djaman.

Prak-prakanana dina ieu taneue katjida njeplena, nepi ka benteu asa lahadjo tooneel bakating koe djiga nepi ka djiga enjaan bae.

Dina oenggal hedrijf diselang koe voordrachten, sakapeung pikaseurieun bakating koe kajagoeng, sakapeung mah matak ngagoemirakeun hate.

3. Ngabodor, anoe ditiron di djero sakola, moeridua balengur sarta goerona galak. Ieu bobodoran teh katjida pikaseurieunana, kome dina lebah aja Inspector mah, nepi ka rea noe seelennu.

4. Dooa boedak kira-kira oemoer 9 djeung 10 taen, nembang koe basa Walanda, njaritakeun kaaoesananana tanah Indonesia sarta djangdi jen maranehna maal poho-poho ka lemah tjaina. Koe ieu tembang baroedak, nepi ka rea kolot anoe ngeres ngenes ngarasa nalangsa, ari anoe ditiron boedak kampoeng anoe henteu dibadjoe badjoe atjan tea.

5. Tablo siloka „Kameridikaan“ anoe didjadikeun koe lima nonoman istri, dina ieu tablo ndjian henteu make njarita, tapi koe anoe nongton kaharti, jenu beunagna kameridikaan teh, ngan koe digawe tabareng bae.

6. Orde oefeningen Indonesische Nationaal Padvinder Organisatie, katjida saragotna, aloe prak-prakanana, teu aja tjawadeunana, istoening matak mawa kana gede hake teh lain heuheureujan.

7. Wonder bioscoop. Ieu bioscoop lain gambar, tapi loetjoe alah batan loetjoe, woengkoel pikaseurieun bae, nepi ka sossah koeoemoer moedjina kana kaaoesananana ieu wonder bioscoop teh.

8. Djeung 9. Krontjong djeung Hawayan Indonesia. Kawasna bae maal aja hidji djalma anoe njeboetkeun henteu ngeunah, kome deui anoe ngarti atawa anoe toeman kana krontjong mah, geus maal boa matak ting soredet kana hate.

Geus liwat djam 1 djalma anoe lahadjo teu atjan aja robahna, tapi lantaran geus peuting teuing kapakaa ieu pesta ditutoep bae.

Djalma boebar dipirig koe Jazz band anoe sakitoe ramena.

Parantos nempal!

Masja Alloh Djoeragan - djoeragan! Barang djisim koering matja serat kabur „Sipatahoenan“ no. 31 katja ka doea dina alamat „Toelak Bala Tawil Oemoer“ noe ditawis koe djoeragan Soemardi, teu kinten bugahna wireh djagona T. B. T. O. parantos ti asa ngadadarkeun saues kanten mak sadna, sanaes djisim koering kirang tjotjog oge kaula toedjoenanana T. B. T. O. Moeng koe margi parantos nempal tea teu kinten bingahna teh.

Ajeuna djagona T. B. T. O. parantos nempal, doeka katampi henteuna katarangan Djoeragan Soemardi teh.

Doepi djisim koering mah ajeuna, bade ngoeplingkeun bae heula.

Kadjadi oepami Djoeragan Bandoeng kadeseh nja teu aja nauaon bade ngeureujeuh.

Kantenan para Djoeragan oge bi ngah wireh djagona T. B. T. O. parantos nempal teh. Kadjeun teu tjotjog oge moeng ti asa kapendak pimaksadeunana.

Tjing naon noe mawi enggal nempal teh?

Ih! Ieu mah sanaes tuetoerretjingan. Kieu geura bedjana mah!

Pangna ti asa nempal teh bawaning bingah, wireh parantos nambihan batoer, ti asa ngabojong, tjiek baroedak mah, tah eta noe nembe ngalih tea.

Kabojong ti Pasoendan kana T. B. T. O. Naha enja?

Geura mangga awaskeun! Sarong bade babalagordjangan toemars „ka Djr. Soemardi T. B. T. O. Sanaes bade naros sadsja-dajana ieu mah bade pondok bae, kieu:

Koemaha tjotjog kana federatie alias P. P. P. K. I.?

Oepami tjotjog iraha bade lebet? Oepami maal naon margina? Sakitoe bae heula!

H. B.

Makan pagi.

B. Ari maneh tjaah ka raga, atawa njajah ka ajawa.

A. Njajah ka doeanana bae; da maal njawa teu ragaan, raga teu njawaan.

B. Heueuh, bener! Tjapetang maneh. Ngan koemaha prak-prakanana mikanjaah raga, djeung mikanjaah njawa? Naha disaroekkeun bae?

A. Gampang, da samaogs bener

ragana. tangtoe njawana oge kabawa (bener deui).

B. Heueuh, tjara pikiran dewek baheula etah. Geus lila maneh boga timbangan kitoe teh?

A. Poegoeh lila mah, malah geus tjotjog djeung pikiran babatoeran 2-3.

B. Dooa tiloe noe tjara maneh pahamna meureun nja?

A. Nja kitoe.

B. Koemaha maneh teu boga timbangan deui noe sedjen beh dieu beh dieu. minangka tambaha atawa madjoena ti uoe bareto?

A. Nja aja oge.

B. Tjara koemaha?

A. Djalma hiroep, moon pael (roeksak ragana), eta njawana ka mana?

B. Heueuh bener. Tah koemaha timbangan silaing lebah dinja?

A. Nja eta doeka.

B. Naha doeka?

A. Ngan bedjana bae, tjek tjaritawajang toeloej nitis (njoeroep) tapi teu tjotjog djeung agama mah.

B. Tangtoe. Djeung eta eu, ari hadena mah oelah make bedjana.

A. Nja hade akang kitoe, da ari hade koering mah ngan ka dinja nepina.

B. Hi, hi, hi, bener eu. Tapi koemaha silaing boga kabingoong kitoe teh, rek njeun enggeus bae, hartina taja kapanasaran.

A. Da eta tjek hidji noe tjaritama basana: moestail njaho, da pahnage tatar. Ari dipikir-pikir rada kaharti; ana kitoe, koema boektina bae (koema behna).

B. Eta mah noe mawa tjaritana bae, djelema bener teuing.

A. Na koemaha diseboet bener teuing.

B. Teu oemoem noe bingoeng ti dieuna, datang ka ditoe manggih tjang. Samangsa djinis bingoeng, nja bingoeng deui, engkena oge.

A. Ah, akang mah sok njing sieunan.

B. Lain njingsieunan geura bae pek pikir, da maneh ge geus kolot.

A. Teu pedah koe kakolotau, ari teu njaho mah, nja teu njaho bae meureun kang.

B. Poegoeh pisan kitoe, ngan eta bae, aja basa sahan teuna ngaran na ge kolot, legok tapak.

A. Tapak moeding?

B. Loemajan lengkahanen djelema, da tara ngatjak tintjakeun.

A. Nja roemasa koering oge lengkahanen akang.

B. Enja tapi oelah roewal rawel bisi akang teu bisa leumpang.

A. Sageuj da pada boga.

B. Kaboga tara dijadi?

A. Kawasna kitoe, kang.

B. Lain kawas deui. Mimiti narabas (bari uoedjoek teu poegoeh) toeloej ngedjah, geus kitoe ngabandoeugan: enggeus?

A. Kakara narabas, gorang-gorang bae mah.

B. Pantas, da kapanggihna koe akang oge sok tolorobosan. Tjik di adjar ngedjah mimiti! Alip djabar a.

A. Na ngedjah alip heula kang?

B. Wiwitan!; maal aja maneh, lamoen bapa teu mijoeni alip (90°). Toe roeg-toeroeg dijar moen di Soerdha ngalagena (sadjagna), taja dingding aling-aling mereuahkeun bibit mani kamanoesan, tjek kolot mah „tjiloeh soel“.

Diprekeproek diagoeng agoeng basana dina kandoengan, katelah madi.

Ana goebag jadi wadi. Pakokolotna moen rahajoe (koloteu) disarebaet noe hade temah wadina tata-titi soerti ati-ati; asa doedoe ga prajoga wiwaha joeda nagara.

Ja ngan sakieu boektina,

B. Heueuh, ajeuna mah kapalang tjaritawajang, oerang toeloejkeun bae. — Palambah m adja ti bieu teh lain?

A. Eoja. ngan tjek koering ge lebah naon eta teh?

B. Wadi ana boga toengtoeng (temah hade, boerjal moestikana kabeh karapid. Biedana, Hindoena, Islamna Kristenna Goelentoeng. manoesa bae woengkoel ka Adaman, da asal ge anak Adam. Bisa maneh ngaderes?

A. Bisa kang, geura dangoekeun; mani — madi — wadi — maningkem (moestika).

B. Tah geuning: geus djiga-djiga djelema kolot — Djig ajeuna mah geura balik!

???

KABAR

(Tina s. k. saues)

Di Koedoes pabrik pepetasan noe Goei Tek Djoe tanggal 7 Mart geus bitoe: Noe maot aja 27 koeii noe tatoes 54 noe leungit (tatjan kapanggih) 29. Sigana ieu katjilakaan koe lantaran pagawe di dinja koeoce marawa parobot sorangan. Parobot noe dipake soepaja moerah tina beusi noe matak ngagampangkeun djadina bitoe.

Reserse madat di Medan nangkep madat palseu ti kapal van Houtz. 2400 tail pangadji f 65.000.

Pagawe S. S. Priboemi bakal meunang pereskot ti Bestuur S. S. pikeun lebaran sa'eugah djiheun.

Sangeus 14 pe'e digawe soson soson poelisi di Siagapoe nangkep di Hoofdkwartier Rev. lutionnaire partij van de Zuidze (laetan kidoe) boekoe-boekoe koemimis. Ieu pagoejoban njebarkeun ka mana-mana boekoe koemimis. Boekoe-boekoe, bom, djeung bahan njeunna ditangkep.

Dooa Tiongwa eta organisatie. Sahidji Leiderna eta organisatie.

Sheik Hafi Zwahba di Cairo sanggeusna njaba ka Koweit perloena rek babadaman tina perkara me soelit-soelit di tapel wates Irak kalajan asmana Ibn Saud, ngabantah kabar, jeng Ibn Saud geus nitah ngadjalankeun perang sabil. Malah sabalikna naban napsoena djelema noe keuheuleun kana kapal oedera Loggris uoe haliber noe ngalanggar perdjang-djan.

Kariboetan di wates Irak beulah kolon kidoei beuki katjida bae. Ii-dji mesin hiber Inggris dibedil ragrag. Didoeroek eta mesin koe uoe toempakna samemeh manehua dibedil koe mesosoh.

Hidji mesin hiber dibedil ragrag deui, tapi bisa katoeloeugan dibawa ka kapal Emerald.

Departement Kolonie di Inggris ngabantah kabar jen sardadoe ti Ilin doestan dikirimkeun ka Koweit.

Radja Afganistan pamit ka Presidout Djermau Von Hindenburg waktorek ningralkeun Berlin. Toeloej ka Essen rek ninggalan pabrik Krupp. Toeloej ka Parijs djeung ka London.

Di Cairo (Mesir) kariboetan Student rame, lantaran Pamarentah Mesir djeung Inggris teu bisa akoe nja eta Inggris menta soepaja di Mesir meunang aja balad Inggris pikeun ngadjaga kaperloean Inggris.

Di gedoug party Wafd rea pisan studenten Mesir. Poelisi ogepoeng gedoug, tapi teu bisa soep, lantaran taja parentahanana. Studenten ngabaledogan poelisi ti loteng. Toeloej datang Naba Pascha leider Wafd, sarta nitah ka Studenten baralik. Di djalan studenten bantrok deui djeung poelisi.

Poelisi ngoedag-ngoedag dina mobil Studenten ti sakola Sjeik di Assiut noe marogok. Eta Studenten ngadjak mogok ka studenten Amerikan College.

Gedoug sakola direksak koe Studenten, tapi Directeur djeung personel ngadjaga eta gedoug.

Di Roeslan Insinjoer-insinjoer ti Djermau ditangkep koe Pamarentah S.viot, lantaran disangka njeun contrarevolutie ka Pamarentah. Djermau protest djeung menta katerangan ka Roeslan.

Di Esteli (Amerika tengah) hidji mesin hiber diadoe djeung manoeek buizard. Mesin hiber roeksak. Djelemana ragrag maot.

Sakola Mulo „Pasoendan“ di Tasikmalaja.

Dina sasih Juli 1928 di Tasikmalaja bade diboea sakola Mulo subsidiie koe pagoejoban „Pasoendan“.

Eta sakola bade ngajakeun doea voorklas sareng hidji klas hidji.

Sepoeh-sepoeh noe bade ngalebetkeun poetrana disoehoekneun, kersa ngawartosan ti ajeuna ka Kapala H. I. S. tempat sakola poetrana (zie pag. 1)

Preanger Chemicalien Handel

Telefoon No. 76.

Selamanja sedia roepa-roepa obat patent dan lain lainja, Minoman, Seroetoe, Sigaret, Katjamata, Cutex, Boucilla, dau pekakas potret.

Toko KHOW SIAUW SENG (Toko BENG).

Tasikmalaja Telefoon No. 2.

Sajagi Kareta Mesin Simplex sareng sanaes-sanaes Merk Europa, Band-band Auto Merk Goodrich, Michelin, Good-year, Dunlop, sakalian sareng parobot pikeun Auto (niederdeelen).

Sajagi roepa-roepa glas (oemoer) sa-perti Beuren, hedjo, blao, konong kolot, bodas sareng nganggo strip roepa-roepa, aja deui anoe nganggo leter monogram koe aer mas, sae pisan pikeun soepnier.

Sareng roepa-roepa keler (stopflesch) anoe marodel, roepa-roepa lampoe batre, anoe parantos kasohor kakoe-watanana, dina waktore ajeuna kieu rame pisan anoe ngerangge bedil angin (windluks) pikeun plesiran, nja eta kieu badjar nembak atawa keur manoeek, badjing, tjareuh, ganggarangan anoe sok ngaroeok kana pipi-arann, heulang, kalong, sareng sadjabi ti eta sato sato anoe ngaroeokak, tangtos ti asa kenging koe B. S. A. tea.

Lantaran teu nganggo vergunning, noe mawi di sajagikeun njondong 2 roepi anoe kaliber 5/8, sareng 4/8, nja eta merk B. S. A. anoe masoer kakiatanana sareng saena, pelorna sajadi tjoekeup, sadjabi ti eta, sajadi roepi roepi Eesterservis (stelan piring makan) anoe pikeun 6 djalmi (noe 12 djalmi), sareng roepa roepa djam (totjeng) Westminster, erlodil anoe sara, peso silet peso tjoekeu goenting mesin anoe parantes masoer kasae-anana, njondong roepi roepi oekoer-an filter (saringan tja) pikeun ngadjadi kawarasan, atawa kasehatan.

ELECTROTECHNISCH BUREAU C. A. CRANPRÉ MOLIÉRE

Naripan No. 103

Telefon No. 2120

BANDOENG.

Mendjoel dan bikin betoel MAGNEET, Dynamo, Starter, Aciu, Duico enz.

Segala barang jang didjoel dan dibikin betoel. dengan make tanggoengan (garantie)

Kaloe toean maoe tnoe, kebaikan dan kabagoesannja dagan dan pekerdjan saja, diharep toean menjaksikon ke tempat saja, atawa bertanja kepada saja pjenja langganan-langganan.

BANDOENGSCHE - COIFFEUR. Tjikoedapateuh t/o Passar Kosambi No. 210 BANDOENG.

Saniskanten pangatoeran noemoetkeun kasopanan (modern) padamelan ditanggel maal aja tjawadeunana.

Mangga enggal njobian!

TARIEF

Haarknippen (ngagoenting ramboel)	F 0.50
idem (moerangkali)	0.25
Scheren (diparas)	0.25
Haarwaschen (dikoramaa)	0.25
Frixion	0.25
Slijpen	0.50

Noe ngadjeng-ngadjeng OEDIT

Eigenaar

TOKO

Universeel Agentschap NIC MULLER

Goenoengladoe 15 Telepon No. 26. TASIKMALAJA.

Nembe nampi Verbandtrommel (tempat oebar kaperloean sadi-luente).

Perloe keur sadaja djelema noe tobih ti doktor.

Katjida perloena keur sadiaan di bale desa soepaja sadaja djelema bisa dibebaran oepama potong, rahaut, ragrag, barareuh, njeri beuteung, njeri panon katjida atawa dipatjok oraj.

Dina ieu verbandtrommel sadia sagala roepa oebar kaperloean sapping.

Tjoti soemping ka Toko atanapi njeratan engke diterangkeun sagala roepina eta verbandtrommel.

Noe ngadjeng-ngadjeng

NIC MULLER.

N. B.

Di toko kenging moendoet pريعourant teu kedah majar.

TECEL FABRIEK „NAJA“

Goenoengaboealah Tasikmalaja.

Sajagi roepi roepi tegel, beton huison (kueloewoeng) sareng beton roosters. Pangaos sareng kakiatan di tanggel ngabingahkeun. Prijs lijst sareng monster ti asa di poendoet gratis.

Noe ngadjeng ngadjeng

S. Najawilaga.

Nembe medal:

Goegoeritan pangadjaran ngedangding	f 0.07
Kalepatan poetra, dosana iboe rama	I f 0.50
Rasiyah koesir	II f 0.30
Neng Hajani	f 0.50

Nampi padamelan tjtakan boekoe-boekoe.

Toko en Drukkerij

„PASOENDAN“
Tasikmalaja.